

آبونه شمراکلی

داخلی ، خارجی هر بر ایچوز
سنه لای (۲۵۰) ، آلتی آیلانی
(۱۳۰) فروشدر .

[نسخه سی ۵ فروش ،
سنه لای ۵۲ نسخه در .]

اداره خانه

باب عالی جاده سنده دائرة مخصوصه

اخطارات

آبونه بدلی پشیندر

مسلمه موافق آثار مع المذنب
قبول اولنور . درج ابدلین
یا یار اعاده اولونماز .

الکشاف

دینی ، فلسفی ، علمی ، ادبی هفتلق مجموعه اسلامیه در

والله یهدی من یشاء الی صراط مستقیم

باش محمد
محمد عاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۶۵

۸ ذی القعدة ۱۳۳۶

پنجشنبه

۱۵ آغستوس ۱۳۳۴

جلد ۱۵

اخطارات

آدرس تبدیلینده آریجه باش
غروش کوندرملیدر .

مکتوبلرک امضالری واضح
وارقوناقلی اولسی و آبونه صره
نومروسفی محتوی بولمسی لازمدر .

ممالک اجنیه ایچون آبونه
اولالرک آدرسلیرینک فرانسز
جده یازلمسی رجا اولنور .

پاره کوندرلدی زمان نهیه
دائر اولدیغینک واضعاً بیلدیرلمسی
رجا اولنور .

جریان ایلدیکنی جناب حق و منلرہ بو آیت کریمہ ایلہ تعلیم بیوردی . انسان کاه اموالندہ ، کاه نفسندہ ، کاه ثمرات و محصولاتندہ بر آفت ایلہ مصاب اولور . بعضاً اولور کہ حرق و یا هرق و یا تالان و یا بشقہ صورتلرہ اموال تلف اولور . بعضاً اولور کہ متعلقات و اوداسنک و علی الخصوص ثمرہ قالی اولان اولادنک ضیاعیلہ انسان محروق الفؤاد اولور . بعضاً اولور کہ اعدانک کثرت و قوتندن خوف و اندیشہ اولنور . بعضاً اولور کہ قحط و غلا ایلہ و یا محافظہ بلاد ایچون ایدیلن جهاددن ناشی اراضی زراعت ایدیلہ میوب معطل قالمش اولمسیلہ آچلق حصوله کلور . ایددی فهم و دلیر اولانلر ، شسداند و مخاطراته مقاومتی کندیلرینه شعار ایدوبده بحاری اقتداردن استفادہ ایدنلر و بوضورتله حسن عاقبت ایلہ مبشر اولمغه اهل اولانلردر . اسلامک ظهورندن مکئنک فتحنه قدر فقر

و ضرورت بتون مسلمینه شامل ایدی . مسلمین آچلقدن بر مرتبه ککشلر ایدی کہ برچوق زمانلر و لاسیا احزاب وقعه سندہ بر مقدار خرما ایلہ اکتفا ایدیلرلر ایدی . مدینه منوره یه هجرتلری و با و حمانک صالحین اولدینلری بر زمانه صادف اولدیلندن برچوق نفوس ضایع اولمشیدی . بوشداند و مهالکه صبر و تحمللری فیاض نتیجه لر ایلاد ایلدی . قرق کشی ایلہ میدان او قویان مسلمین میایونلر تشکیل ایتدی .

بلانک قبل الوقوع اخبار بیورلمسی ، نفسی بلا یه تو طین ایتک و آتی تحمله و آندن استفادہ یه نفسی حاضر لاق ایچوندی ، چونکه بر مصیبتہ بردن بره طو تلق بعدالانتظار کرفسار اولمقدن دها مشکلدی ، و انسانی شائستور .

برکت زاده

اسماعیل حق



احتکاره قارشی شریعت غرانک احکامی

بر خیلی زماندنبرو داخلی و خارجی پک چوق مصائب ایچنده یو ارلانیور و یجه امراض اجتماعیه ایلہ مجادله ایتک مجبوریتندہ بولنیور ایسه کده بونلرک ایچندن اسعارده کی غلای فوق العاده بو کونلرده پک زیاده بادی شکایت اولیور . فی الحقیقه بو مرض مزمن کیتدکجه اهمیتنی آرتدیرمقدہ ، اتحاد اولنان تدابیر و صرف اولنان مساعی یه رغماً سیرینی تعدیل ایتک شویله طورسون ، کوندن کونه تهدیدکار بر وضع الهرق قبلرمنزه معاذالله نتائج ایمنی موجب اوله جفی قورقوسنی القا ایتدیککی عاقبت بین اولنلری ددرین دوشوندور . مکده در . واقعا شو آفتک او کنه کجامک ایچون شمدی یه قدر پک چوق قوانین و نظامات وضع و قرارنامہ لر نشر اولندی ، بونلردن نواقضی اکلا شیلانلری دفعات ایلہ دیکشدرلدی ، شیمدی ددها یکیلری یا بلق اوزره بولنیور ، بر چوق متفکرین جانبدن ددها بشقہ درلو بر طاقم تدابیر توصیه اولنیور و غرنه لر طرفندن ده هر کون باشقہ بر ضرورتله حالدن شکایت اولنوب طور بیور . بزنه شیمدی یه قدر یاییلان شیلرک اصابت و عدم اصابتی ، نه توصیه اولنان خصوصاتک کفایت و عدم کفایتنی تدقیق ایتک ، نه ده شخصی مطالعاتی در میان ایتک فکرندمیز . بلکه شریعت غرای احمدیه نک بوبابده مطلع اوله بیلدیکمز احکامی وضع انظار قارئین ایدرک تدقیق و محاکمہ ی ارباب مطالعه یه ترک ایتک ایسته یوروز .

فیثات اشیانک فوق العاده ترفع ایتسنک پک چوق سبیلری واریسه ده بونلرک جمله سنی آتی الذ کردرت سببه ارجاع ایتک ممکندر :
۱ — اشیانک ندرتی ، نقدک کثرتی و وسائط نقلیه نک عدم

کفایه سیدر .

۲ — بعض مأمورینک وظیفه و نفوذ مأموریتلرینی سوء استعمال ایدرک احتکار ایللری و یا محتکرینه معاونتده بولنلریدر .
۳ — بر کونه نفوذ حکومتہ استناد ایتکسزین اصنافک احتکار ایللریدر .

۴ — ذی قدرت کیمسه لرک آتیدن عدم امنیتلرینه مبنی احتیاطاً احتیاجات ضروریلری فوقندہ مال ادخارینه قالدیشمالری و برده بعض کیمسه لرک اموالی اسراف ایتلریدر .

شو درت شکلدن هر هانکی برینک سببیت ویردیکی غلای اسعاردن طولای اولوالامرک عهدہ سنه ترتب ایدن وظائف شرعیه بشقہ بشقہ اولدیلندن بزده بونلرک هر برلرینک آیری آیری تدقیقنی مناسب کوردک .

برنجیسی — دیکرا وچ سببک مداخله سی اولمقسزین و عرض و طلب قاعده سنک تمامی جریانی اخلاص ایدلکسزین سنن الهیه نک ایجابات ضروریلرندن نشأت ایدن غلای اسعاردن . بو تقدیرده بایع ایلہ مشتری بیننده قرارلشدیربله حق فیثاته حکامک و اولوالامرک مداخله ایتلری و اشیا یه نرخ وضع ایللری شرعاً ممنوعدر . نته کیم زمان سعادت نشان نبویدہ مدینه منوره ده بر کره اسعار ترفع ایلش ایدی . اهالی مدینه ذات پاک پیغمبری یه مراجعت ایدرک اشیا یه نرخ وضع اولمسنی استرحام ایلدیلر . ولی نعمتمز پیغمبر من (صلی) افندمن : «مسعر حقیقی قابض و باسط و ازق اولان الله عظیم الشاندر . بن جناب حقہ سزدن هیچ بر کیمسه نک اوزرمده مال و قانندن بر کونا مطالبه سی اولدینلری حالده ملاقی اولمئی امیدایدرم» . بیور مشلردر .

ایدملری، فقط حرکتلری سخی الی الفساد مرتبه سنه وار دینی حاله
حقلرنده بونک حکمتک اجرا ایدلمسی ایجاب ایدر .

شریعت غرای احمدیه نیک بو باده کی حکمی او قدر واسعدر که
مأمورین هدایای و بایا ایلده دخی زنکین اولسه لرینه الله ایتدکاری
اموال حقنده بروجہ محرر معامله اولنور . زیرا ذات پاک پیغمبری
«امرانک نفسلری ایچون آلدقلری هدایا غنائمدن بغیر حق آلمان مال
منزله سنده در.» بیورمشلردر. انجق بو هدایادن مقصد، مأمور
اولدقلری جهتله کندیلرینه ویریلان هدیهلردر . زیرا بو هدیهلری
مأموریت قوتیلله الچه کچیریورلر . بوقوت جماعت مسلمینک توتی
اولدیغندن هدایای مذکورہ جماعت مسلمین نامنه بیت المال مسلمینہ
وضع اولنق ایجاب ایدر .

نتہ کیم رسول اکرم (صلم) افندمن حضرتلری بریرہ مأمور
کوندرمشلردی . بو ذات مال کثیر ایلله عودت ایتدی و کتیردیکی
اموالدن «شونلر سز کدر» بونلر بکا هدیہ اولندی «دیدي .
بونک اوزرینہ پیغمبرمن (صلعم) افندمن حضرتلری خطبه لرندہ
«سزدن برکز آبانسک بایاسنک اوندہ اوطورسه دیدي اکا برکونہ
هدیہ ویریلورمیدی؟» دیہ اول ذاته تعریض ایدرک الدینی هدیہ
لرک کنڈیتہ عائد اوله میہ جفی ایما بیورمشلردر .

ینہ عمر الفاروق رضی الله عنه حضرتلری اباهریرہ
رضی الله عنه حضرتلری صدقات بحرینی جبات ایچون مأمور
ایتدیلر . حضرت اباهریرہ برچوق مال ایلله عودت ایدرک کتیردیکی
ماللرک کندیلرینه عائد اولدیغنی سولیمی اوزرینہ عمر الفاروق
رضی الله عنه حضرتلری مشارالیه حضرتلری پک شدید الفاظ
ایلله تمزیر ایدرک اول ماللرک جمله سنی بیت المال ایچون ضبط ایلدی .
هر نه قدر حضرت اباهریرہ : «یا امیر المؤمنین ! بن نه اللهک ،
نه کتاب اللهک دشمنی یم ونه ده اللهک مالی چالدم . لکن آتلم
تناسل ایتدی، سہلمرم مجتمع اولدی ده بومالار حاصل اولدی .»
دیہرک مدافعه ده بولنش ایسه ده حضرت عمر بوکاده التفات ایلله مشدر .
حضرت عمر یالکیز مأمورینہ دکل ، مأمورلرک آدمارینہ
واولاد و عیالنه کلن هدایاده بیله بو قاعده یی تطبیق ایدیوردی .
حتی حضرت عمرک زوجہ سی ملک رومک زوجہ سنہ بعض هدیہلر
کوندرمش ایدی . اوده هدایای عظیمہ ایلله مقابله ده بولندی .
حضرت عمر رضی الله عنه بو کلن شیلردن زوجہ مکرمہ لرینک
کوندردکاری مالک منانی آیرہرق کندیلرینہ اعطا و اعداخی بیت -
المال مسلمینہ وضع ایلدیلر . صحابہ کرامدن عبدالرحمن بن عوف
حضرتلری حضرت عمرک شوحرکتنی تنقید ایلله بعض اعتراضاتده
بولنسی اوزرینہ خلیفہ حضرتلری : «یا عبدالرحمن ! سن ده
حرمکه سویله ، اوده ملک رومک زوجہ سنہ هدیہ کوندرسون ،
بقالم اوکاده بویله هدایا ایلله مقابله ده بولنورمی؟» دیہرک مشارالیه
حضرتلری اسکات بیورمشلردر . (شرح سیر کبیر)

فی الحقیقه اشیانک فیأت اصلیه سندن نقصان بها ایلله صاندیرلمسی
ظلم اولدینی کی اساساً بونک ماده غیر ممکن اولدیغنی ده صونک
زمانلرده کی تجربه لرله برقات دها ای آکلا دق . شو صورتله ممنوعیت
واقعہ خلافده اولهرق حکومته نزع وضع ایدلیدیکی حالده دخی مال
صاحبنک رضاسنه مخالف اولهرق کرها کنڈیسندن برشی اشترا
ایتمه نک عدم مشروعیتمده شبهه بوقدر .

اشبو شکلده اسباب غلادن اولق اوزره کوسستریلن نقودک
کثرتی ده پک او قدر قورقوله جق برشی دکلدر . زیرا بو تقدیرده
هر شینک فیاتی ، هر شخصک اجرتی و هر یرک کراسی برنسبت
معینہ دائرہ سنده تزايد ایدہ جکندن و هر کسک بر نقطه دن مستهلک
وبر نقطه دن مستحصل اولسنہ کوره استهلا کده کی ضررلری
استحصال ایتدکاری شیلردن تلافی ایلله بیله جکلری طبعیدر .
انجق بلکه بارہ لرینی فائض ایلله شوکا بوکا ویرمش بولنلر ایلله
مأمورین دولت و خدمه اوقاف کی وظائف معینہ صاحب اولنلر
متضرر اولورلر .

بونلرک ایچورسندن بارہ لرینی فائضه یاتیرمش اولنلرک متضرر
اولسنک نظر شرعده حکمی اولیه جفی طبعیدر . دولت و بلدیہ
مأمورلریله مستخدمین اوقافه کلنجه ؛ بونلرک دخی معیشتلری تحت
امنیتده در . زیرا عینی زمانده واردات بیت المالده ظاہری برتراید
حاصل اوله جفی کی وقفلرک دخی کرالری آرتہ جفندن و بو
کی احوالک تحققدہ مأمورینک معاشاتی تزید اولنق لازم کلدیکی
کی خدمه اوقافک دخی وظیفہ لرینی آرتدیرمق ایجابات شرعیہ دندر .
بوندن بشقه حکومت تدابیر حکیمانہ اتخاذیلله فضله پاره یی پیاسه دن
خلقه ظلم ایتمکسزین قالدیرہ بیله جکی کی اموال و امتعه نک تکثیرینہ
چالشمسی و طرق و معابرک سلامتی تأمین ایتمسی و اشیانک
اسرافه ده میدان ویرمه مسی لازمدر .

ایکنجیسی — بعض مأمورلرک نفوذ مأموریتی سوء استعمال
ایدرک ، ارتکاب و ارتشا ایتمک و یا اطراف طوتمق ایچون وسائط
نقلیه یی و بعض نوع تجارتی انواع حیل و تزویر ایلله کنڈی آدملرینہ
تخصیص و بو صورتله سربستی تجارتی اخلاص و خلقت معیشتی
تضیق ایللیدر . بز بویله بر حالک وقوع و یا عدم وقوعی لایق
وجهه بیله میورز . فقط بویله بر حال واقع ایسه و یا خود وقوعه
کلور ایسه شریعت غرای احمدیه کوره بو باده اولوالامرک
عهده سنہ ترتب ایدن وظیفہ غایت مهمدر .

شویله که : بو مأمورلرک کرک ارتشا و ارتکاب صورتیلله الله
ایتدکاری و کرک نفوذ و مأموریتلرینہ استناداً صور سائرہ ایلله
قازاندقلری اموال و اشیا و نقد اللرندن تمامیلله ضبط ایدیلهرک
اموال مذکورہ اصحاب حقوقه اعاده ایدلمک و بوجهت قابل اوله مدیتی
تقدیرده بیت المال مسلمینہ وضع ایدلمک اقتضا ایدلیدیکی کی علی
کلا التقدیرین بوا دملرک حرکت واقعہ لرینک درجه نه کوره تعزیر

ویریلور . اکلایشیله ماز ایسه بیت المال مسلمینه وضع اولنه جنی کبی، دیگر اصحاب جاه و نفوذک یدلرنده کی اموالک صاحب مشروعاری ثابت اولور ایسه انلره ویریلور . ثابت اوله مدینی حالدله انلرده بیت المال وضع اولونور .

مع هذا بو کبی مواضعده جماعت مسلمینه ده ترتب ایدن بر وظیفه عظیمه واردر . بوده اولوالامرک تصرقاتنده بر غرض وعوض بولنوب بولمندیغنه دقت ایلریدر . زیرا اکثر جماعتک اکبر رأیبری یعنی ظن غالبی اولوالامرک معامله سنک ظلم و یاناسه مضر اولدینی مرکزنده اوله جق اولور ایسه بو کبی خصوصانده امرایه اطاعت شرعاً ممنوع اولدینی کبی ، امیرکده اکثر جماعتک اکبر رأینه مخالفی جائز دکلدر . زیرا کتب فقهیه ده « حقیقت خاله اطلاع ممکن اولمایان یرلرده اکثر جماعتک اکبر رأی حقیقت حالی رؤیت منزله سنده در . دیه بیورلمشدر .

ایشته مأمورینک نفوذ حکومتله اکتساب ایتدکاری ثروت و امانک بیت المال مسلمینه بای حال وضعی لازم کلوب خلیفک معیشتی تضییق ایلش بولنملری و وادی احتیکاره صایمش اولملری شرط دکلدر . فقط بولنملری ده یابه جق اولورلر ایسه او حالدله شو معامله نک اولی بالطریق حقارنده تطبیق اولنمی و شدتله تمزیر اولنملری لازم کلیر .

مع هذا اشبهو اجرا آتک دولته یاییله جق تحقیقانه مستنداً قانون وضعی صورتیله ایفای ممکن اوله جنی کبی کیفیک حکام شرعه حواله سیله هر کس حقنده صادر اوله جق حکم شرعی به کوره معامله ایفای دخی قابلدر .

اوچنجیسی عادیاً اجرای تجارت ایدن و بونکله برابر معامله محتکرانده بولنان اشخاصک وقوعه کتیردکاری غلای اسعارددر . [احتکار: غلا حاصل اولسون دیه مالی حبس ایتدکدر .] ذات پاک پیغمبری: « جالب مرزوق، محتکر ملعوندر . » بیوردقلری کبی، ینه خبرده: « اللهم وملائکتهک و جمع ناسک لغتی طعمای قحط حاصل ایتک ایچون قرق کون حبس ایدن کیمسه نک اوزرینه اولسون . بونک فرائض ونوافلی جناب حق قبول ایتمز . و برده محتکر قله انبیا ایله برلکده حشر اولنور . » دیده وارد اولمشدر .

امام اعظم رحمه الله حضرتلرینه کوره: احتکار انجق بغدادی، خرما، اوزوم، زیتون، یاغ، بال، پیر، طوز کبی قوت بشر اولان اشیا ایله آرپه، یولاف، یونجه کبی قوت بهائم اولان شیلرده؛ و امام محمد کوره: بولنملره برابر ثیابده جاری ایسه ده؛ امام یوسف رحمه الله حضرتلرینه کوره: عامیه ضرری اولار هر شئی حبس و امسا کده احتکار جاری اولور .

بر کیمسه یه محتکر دینه بیلمسی ایچون بررأیه کوره اقلی بر آی، دیگر بررأیه کوره قرق کون امساک ایتمش بولنمی لازمدر . ابن

امام طرسوسینک تحفه الترکنده « ارباب مناصبک ولایتلری کبی جاه ولایت ایله خلقدن اخذ اولنان اموالی سلطانتک بیت المال مسلمینه وضعی جائزدر . » دیه محرر اولدینی کبی ؛

فتاوی فیضیه ده: « سرحد اسلامده اولان قلاعتک حفظ ایچون معین اولان مجاهدینک وظیفه لرینه بیسک بولک آخچه لازم اولوب مهمات سفرا یچون دخی نیجه بوزبیک بولک آخچه لازم اولوب بیت المالده جمله سنک ادا سنده عسرت اولمغین هندده خواص بیت المالدن کلمش ورشوت طریقله جمع اولمش خزان اموال اولسه خلیفه الله حضرتلری ذکر اولنان اموالک جمله سنی بیقصور الوب مهمات سفره و وظائف غزاة و مجاهدینه و بر مک مشروع اولورمی؟ » دیه واقع اولان استفتاک جوابنده: « اولور، واجبدر، تأخیری مظنه وبالدر . حضرت رسول اکرم (صلم) بویله مالی بیت المال وضعندن صکره منبر شریفلرنده اصحاب محضر لرلنده امر الله جل شانیه نه ایدوکن بیان ایدوب، صکره جناب حقه توجه ایدوب: یارب امریک قوالرکه بیلدیردیمی، دیو اهتمام بیورمشلر . صکره حضرت عمر رضی الله عنه تعالی عنه برندن (بو قیل) مال ضبط ایتک ایتدوب: بومالی قنده بولدک؟ دیو (خطاب بیورملری اوزرینه) هدایان جمع اولدی دیدکده: ای الله دشمنی! کندی حالکده طور سهک سا که بو قدر هدایا کلور میدی؟ دیو عتاب ایدوب ضبط ایتدیلر . سائر صحابه و تابعین وائمة مجتهدین جمله سی بو قولی ارتضا و قبول ایتدیلر . غزاة مسلمینده بویله مضایقه اولوب مال رشوت بویله مخزون اولمق حلال دکلدر . خلیفه حضرتلرینه لازمدر که تخلیص بیوروب مستحقینه ایصال ایله مثاب و مأجور و یوم قیامته دکن خیر ایله مذکور اوله لر . » دیه محرردر .

نته کیم کتاب مذکورده مندرج دیگر بر فتواده دخی: « رجال دولتدن اولوب طوائف عسکریه دن بر طائفه نک رئیس اولان زید طائفه مزبوریه علوفه لری ایچون بیت المالدن ویریلان مالک بر مقدارنی نفیس ایچون آلیقویوب و سائر جاه دولت ایله شو قدر مال کسب و جمع ایلسه سیدالسلطین امام المسامین پادشاهز حضرتلری اول مالی بالجمله اخذ ایدوب بیت المال وضع ایتکده قادر اولورمی؟ الجواب: اولور . » دیه محرردر .

بوراده کی مأموردن مقصد نفوذ حکومت ایله ایش کورن کیمسه دیمک اولوب، ایسترسه اعیان و مبعوثاندر، ایسترسه دیگره امور و کتبه دن و حتی مأمورین و ققیه دن اولسون، مساویدر . بونلرک معاشری ایله و ثروت ذاتیه لری ایله متناسب اولیه جق صورتده مالاً زنکینلشماری، کیلراشترا، اولر بنا ایتملری و یا مصارف کثیره یی مستلزم آلایش و نمایش بوللرنده اسرافتده بولنملری، خیانتلرینه دلیل کافی عد اولنوب، بروجه محرر حکم شرعینک حقارنده ایفای لازم کلور . و اوقاف مأمورلرینک بروقف معینه خیانتلری آکلایشیلور ایسه مصادره اوله جق اموال اول وقفه

درد نچیزی — ذی قدرت اولان کیمسه لک آتیدن عدم امنیتلرینه مبنی احتیاطه رعایه احتیاجات ضروریه لرینک قات قات فوقنده مال ادخارینه قالیقیشمالری و برده بعض کیمسه لک زنکینلک زنشته سیله اموالی اسراف ایتلریدر .

زبلعنیک کتاب الاختیاردن نقل و روایت ایلدیکنه کوره (حال اضطرارده اولوب نفسنک هلاکی قورقوسنده بولنان کیمسه دیگر بر کیمسه نک مالندن انک رضایی اولمقیزین تناول ایده بیلور) . ایچنده بولندیغمز فوق العاده زمانه کوره خلقک بر قسمنده مال موجود ایدسه ده ، قسم دیگرنده یوقدر . بناء علیه کنیدیلرند مال اولانلر دکره اسیله ماللرینی اولمیانلره دیانه صائمغه مجبوردرلر . بونک ایچونده هر کس احتیاجندن فضلہ مال آلمق واصناف ایچونده احتیاجندن فضلہ المقی استیلرله صائمق ایجاب ایدر ایدسه ، بومسئلہ نک بحق صورت پذیر اوله بیلیمسی الله قورقوسندن زیاده حکومت طرفندن ایجاب حال و زمانه کوره عالمانه و حکیمانہ تدابیر اجر اسنه محتاجدر . زیرا اناس حکومت قورقوسندن طولای مکاره و محرماتدن اجتناب ایدرلر . نته کم «مايزع السلطان قوق مايزع القرآن» کلام کوه نظامی اهل اوردن نقل اولمشدر . ذاتاً حکومتک محافظه سیله مکلف اولدینی سلامت عمومیه ده بونی مقتضی در . برده معلوم اولدینی وجهله شریعت غرای احمدیه کوره اسراف هر زمانده حرامدر . باخصوص حیات اجتماعی رخنه دار ایدمک بر شکل آله حق اولور ایدسه حکومتک عهدہ سنه وظائف جدیه ترتیب ایدر . بناء علیه شو زمانده مافوق الشیعی یمک ینلری اولرنده سفره لرنده قدر حاجتدن زیاده اکمک بولندیرانلری ؛ خسته لک و چوققلرک بوله مدقلری انواع اطعمه یی ، نفسلری شویله طورسون ، محضاً تحقیر جماعت ایچون کوپکارینه یدیرنلری منع ایتمکله برابر علی درجانه بولنلری تغزیر شرعی ایلہ تغزیر ایتمک ایجاب ایدر .

ایشته مسئله مزه یک زیاده مناسبتی اولمیان تفرعاتی بر طرف ایدرک دیگر مطلع اوله بیلدیکمز احکام شرعیه یی نقل و بعض استدلالاتی ده درج ایتدک . بونکله استهداف ایتدیکمز غایه اصلیه اساساتی بوندن بیک بو قدرسنه اول قوروش اولان قوانین شرعیه ایلہ عصری بر حکومت اداره ایدیلرله مز دینلری بر درجه یی قدر انصافه دعوت ایتکدر . همان جناب حق تأثیرنی خلق ایلہ . آمین بحرمه سید المرسلین .

م . س .

عابدینک بیاننه کوره بومدت ، دنیاده تغزیر و مالی بیع کی معاقبه ایچون تقدیر ایدلش اولوب ، یوقسه حصول کناه ایچون دکدر .

مع هذا احتکارده اضرارناس شرط اولوب کیمسه نک متضرر اولدینی یرلرده بر کیمسه نک مالی حبس و امساک ایلسمنده بآس یوقدر .

ترجمه سی بالاده محرر حدیث شریفده جالبندن مقصده خارجدن مال کتیرن کیمسه در .

مالمونک ابکی معنایی واردر : بری رحمت الهیه دن بعید دیمکدر . کبائر و صغائر مؤمنی دائره ایماندن اخراج ایتدیک کی ، مؤمنلرده رحمت الهیه دن محروم بولندقلری جهتله بوراده بو معنی مقصود دکدر . ایکنجی معنایی ده درجه ابراردن مطرو . دیتدر . بوراده مقصود اولان معناده بودر .

حاکم الشرع محتکرک حالی عرض اولدقده احتکار ایلدیک اشیا دن احتیاجندن فضلہ سی بیع ایتک اوزره امر ایلر ، اگر امتناع ایدر ایدسه حبس ایلہ تغزیر ایدوب کندی بیع ایلر .

اصناف کنیدیسنده احتکار جاری اولان شیلرده تعدی و فیات اشیا یی زیاده سیله آرتدیررلر ایدسه اولوقت اولیای امورک اهل خبره ایلہ مشورت ایتک شرطیله اشیا مذکوریه نرخ قویملرنده بآس اولدینی کی بو حال خلقک ضرورتدن تلف اولملری قورقوسی حاصل ایدمک درجه یی وارر ایدسه کیمسه نک تلف اولسمنه محل قائمه ایچون قوت بشر اولان شیلر محتکرلرک الارندن جبراً اخذ اولنهرق وسعت و رفا ، زمانلرنده مللاری کنیدیلرینه اودمک شرطیله صورت عادلانه ده اهالی یه توزیع و تقسیم اولنقی اقتضا ایلر . مع هذا قوت بشر و بهایمک غیر یسنده دخی اصنافک تعدی و خلقه ظلمی تحقق ایدمک اولور ایدسه قهستانینک بیاننه کوره لائق اولان امام ابو یوسف حضرتلرینک رأینہ اتباعاً صاحب ولایتک اشیا سازیه ده نرخ وضع ایدم بیلیمسیدر .

ایشته اوتنه دنبری واقع تفصیلاتدن شو نتیجه استخرج اولنیو که طبیعت اشیا دن متولد غلای اسعاردن طولای نرخ وضعی جائز دکلسه ده وسائط صنعیه و ظلمیه ایلہ فیات اشیا نک یوکسلدلمسند حکومتک تدابیر مقتضیه یی اتخاذ ایدرک مظالمی بر بر طرف ایتسی ایجاب ایدر .